

Dijo tsa merafe e e farologaneng

Dipotso pele ga puiso

1. O tshaloganya eng ka lentšwe 'merafe'.
2. O rata dijo dife?
3. O rata dijo tsa morafe o fe?
4. Nkoko Ntlogo o nna mo lefelong lefe?



Nkoko Ntlogo o nna mo motseng o mo nnye o o bidiwang Ntlotlane. Ke nkoko wa seithati, yo o nnang mo ntlong e ntle e e phepa. Nkoko Ntlogo o na le bogole mo leotong la molema bo a belegweng ka bona. O dirisa lere la tshipi go ikokotlela fa a tsamaya, a tswa mo ntlong.



Nkoko Ntlogo o nale tshimo ya heketara e le nngwe ka bogolo. Heketara e lekana le dikwere mitara e le dikete di le lesome. Mo tshimong ya gagwe o lema dikuno tse di farologaneng. Nkoko o lema mmidi, makgomane, letlhodi, diphare, le magapu mme tsona di tlhoga ka selemo. O rata go apaya bogobe jwa mabele ka letlhodi, mme a je dijo tsa Sestwana.



Dijo tsa Batswana di mefutafuta, dingwe di tswa mo d-gwereng, le mo dijalong. Ba lema merogo le maungo a bona ka mefuta. Ba lema mabele, mmidi, makgomane, maratse, magagpu, maphutshe, merogo, le dinawa tsa mefuta jaaka lethodi. Sešheng jaana bontsi jwa Batswana ba tlogetse temo, ba reka dijo tsa bona kwa marekelong.



Mo-Afrikaner. Koos Kriep o nna mo palaseng ya Koster, e mosadi wa gagwe, Bontle wa Motswana. Ba na le bana ba babedi ba basimane, yo mogolo ke Piet yo monnye Lesedi. Balelapa la Kriep ba rata go ja diekoeksister ka tee mo mosong. Ntate Koos o ratile mme Bontle go dira diekoeksister, jaanong mme Bontle wa mo gaisa.



Dijo tso ma-Afrikaaner di farologane, ke batho ba ba ratang digwapa, bobotie, potjiekos le boerewors. Ba dira digwapa tsa diphologolo tsa legae le tsa kwa nageng. Ke batho ba ba ratang go tsoma ka ditlhobolo tsa bone. Sešeng ma-Afrikaaner ba dirisa metšhini go dira digwapa le go di omisa.



Fatima o diradijo tse a di ratang tsa biryani. O bedisa me si mo pitseng, o tshela reisi e e tlhatsweng, o a e bedisa. O apaya kgogo o e tlhakanya ka ditsompella tse di farologaneng. Mo paneng o tsenya manathwana mo godimo, o boeletsa kgato e ya motswako gabedi. O sanasana peo ya cumin le poere ya gemere, o tlogela motswako go butswa.



Dijo tsa ma-India di mefutafuta, go na le tse di kwa sekhaheng mo lefatsheng. Ba ja chicken tikka masala, samosa, tandoori chicken, pani puri, biryani jalojalo. Ma-India ba ikgantsha le go ipela ka mefuta ya dijo tsa bona. Gompiano dijo tsa ma-India o di reka gongwe le gongwe ka ntlha ya thekenoloji. O nagana eng ka dilo tse di balolang tse tsa setso sa ma-India?



Bongani le Bongani osi ke mawelana a basimane a lingwaga di le lesometharo, ba belegwe ka boswafe. Ba nna le rrabona rre Mkhize mo motseng wa Nkandla kwa Porofenseng ya KwaZulu-Natal. Ba rata go ja dijo tse di monate tse rrabona a di apeileng ka lerato. Rre Mkhize o apaya amadumbi le mogodu mme basimane ba ja ka diatla ba itatswa. Dijo tsa isiZulu di monate ebile di na le dikotla tse dintsi.



Dijo tsa morafe wa amaZulu le tsona di ka mefuta e farologaneng. AmaZulu ba rata dijo di tshwana le bogobe, maotwana, mogodu, nama ya tlhogo le amadumbi. AmaZulu fa ba iketlile ba rata go nwa mageu a a dirilweng ke bomme. Mo malatsing a o kgona go fitlhelela dijo tsa amaZulu bonolo ka ntlha ya thekenoloji.



Katekani, Farisa le Hintekani ke ditsala tse di ntshang se se mo 'inong. Katekani o dirisa setilotele ditsala di mo kgarametsa letsatsi le letsatsi fa ba ya sekolong. Ka nako ya dijo tsa motshegare kwa sekolong, bassetsana ba ja matokomani, thelele le mavele. Dijo tsa Xitsonga, jaaka tsa merafe e mengwe, di farologane, a o a di itse?



Dijo tsa Xitsonga le tsona di mefutafuta e e farologaneng. Ba itumelela dijo di tshwana le mopani, xiguga, tlhove, tshopi, vuswa bya mavele jalojalo. Morafe wa Xitsonga, segolobogolo borre, fa ba itumetse ba iketla ka bojalwa jwa mabele. Dijo tsa Xitsonga di fitlhelwa bonolo, di rekisiwa mo mabenekeleng a dijo a a farologaneng.



Khauhelo ke mosimane wa dingwaga di le lesome, o nnang mo toropong ya Makhado. Khauhelo o ipela thata ka dijo tsa setso sa gagwe tsa Sepedi. O rata go ja dilalelo tsa gagwe ka ura ya borataro thapama. Khauhelo o apaya thopi ka go bedisa lephutshe go fitlhela le nna borerhe. Wa le kgoba, a tshele bupi le sukiri, a fuduwe go fitlhelela le butswa.